

مجموعه ابو الضیاء

ماسوا شایع شدن دلی تطهیر چالش
بر تو حکمت و عرفان ایله توره آتش

علوم و معارفدن بحث ایدر. و هر ماه عربی ابتدا سیله اون بشته نشر اولور مجموعهدر.

عدد ۳۰ - جلد ۳ [۱۵ ربيع الاول سنه ۱۳۰۰] نسخه سی ۳ غروش

مشهور یان کسپیلر

[ائمپراطور ییچه کوپه یی کورمک ایستور]

اوچنجی نابولون زماننده آمریقا اصحاب ثروتندن بر ذات
 زوجہ سبله برابر پارسه گلش ایدی . آمریقاده هرشی خارق العاده در .
 بزره کوره مثلا یوز پیک لیرایه مالک بر آدم دنیانک الک بولک زنکینی
 عد اولنور ؛ آمریقاده ایسه یوزر پیک لیرا سرمایہ یی حاز بش یوز
 پیک آدم تعداد ایدیلہ پیلیر .

آمریقاده بر آدمک لاقل بشیوز میلیون فرانقه قدرتی تسلیم
 اولنمی در ، که زنکین اولدیغنه حکم ایدیلہ بیلسون ! زیرا آمریقاده مثلا
 بر کتابخانه یاقی ایچون درت میلیون طار اعانه ایدنلر وبر دارالشفا
 انشاسیچون لازم کلان عرصه و ابنه دن ماعدا تأمین مصارفی ایچون
 یارم میلیون لیرا اعطا ایلمیانلر کوریلیرور .

ایشته حکایه ایدہ جکمز ذات دخی حکومتلره میلیونلر اقراض
 ایدن شرکت صرافیلر درجه سنده بر ثروته مالک ایدی .

بر کیچه پارسک (غراند اوپرا) سنده فوق العاده بر او یون اجرا
 ایدیلہ جک ایدی . بوسبیلہ ائمپراطور ایلہ ائمپراطور ییچه دخی حجره
 مخصوصه لرندہ بولنیسورلردی . بو آراق تیآرونک صحنه یقین اولان
 لوجه لرندن برینه اورته یاشده بر آدم ایلہ تخمیناً اوتوز یاشنده بر مادام
 کیرمش ایدی که بر هاج پیک غاز فانوسنک نشر ایتدیکی ضیا بومادامہ
 عکس ایدر ایتمز حاصل اولان اشعه خارق العاده مشغول تماشا اولان
 حضارک انظار دقتی لوجه یه حصر ایتش ایدی . حتی ائمپراطور ایلہ
 ائمپراطور ییچه بیلہ او یونی بر اقوب بر دقیقه قدر لوجه ده کی حالت
 غریبه یی تماشا ایتشلر ایدی . چونکه مادامک اوستی حقیقه تقدیر

فیئانده اظهار عجز ایدیله جک درجه زده کرابنها مجوهرات ایله مالا مال اوله رق، کردانلق، ییلازک، کویه وبروش کبی شیردن بشقه پالتوسنک دوکهلری، یلپازه سنک صابی، النده کی چفته دورپینک اوزری کاملاً مرصع ایدی. الک زیاده اوج شی انظارناسی خیره دار ایتمکده ایدی. بری باشنده کی طاق مرصعک وسطنده بولنان برلانطه و دیگرلریده برچفت کویه ایله کردنه تعلیق ایتمش اولدیغی مدایونک جسامتی ایدی. حاصلی خلق هربری بررکوه نور اطلاقنه شایان اولان بومجوهرات نظربانی تماشا به طالب قالمش اولدیغی صمرده اویونک برنجی فصلی ختام بولغله پرده ایتمش ایدی. بوآراق آمریقایلینک لوجه سنه ایمپراطورک ماینجیلرندن بر ذات بالاستیدان دخول ایله مادامه تعظیمن لایقه بی ایفا ایتدکن صکره «نظر تقدیرلری جلب ایش اولان کویه لرینک برینی ایمپراطوریمچه حضرتلری کورمک آرزو ایدیورلر. مساعده پیوریلورمی؟» دیدی. مادام درحال صاغ قولاغنده کی کویه بی فرط ممنونیتله چیقاروب ماینجی به تسلیم ایلدی. بودقیقه ده ایسه ایکنجی فصلک پرده سی آچلمش ایدی. نهایت فصلار بربرینی تعاقب ایدرک اویون بتدی. ایمپراطور ایله ایمپراطوریمچه دخی چیقماق اوزره آیاغه قالمش لر ایدی. فقط کویه هنوز اعاده ایدلماش اولمسندن قوجه سی مادامک صول قولاغنده قالمش اولان دیگر تکنی النده آله رق ایمپراطورک لوجه سنه شتاب ایله ماینجیلرندن برینه تقرب و کویه بی ارانه ایدرک «دمین ایمپراطوریمچه حضرتلری دیگر تکنی ایستمش لر ایدی؛ غالباً خوشلرینه کیمش اولمیلدر که لطفاً اعاده پیورمدیلر. بناءً علیه زوجهم برآمریقا هدیه سی اولق اوزره بونیده قبول پیورمه لرینی استدعا ایدیورلر.» دیه او بر تکنی ده تسلیم ایله زوجه سنک یانه کیتدی. ماینجی کویه بی ایمپراطوریمچه به عرض ایله آمریقایلینک افاداتنی تبلیغ ایلدکده مشارالها همان فریاد دنه جک درجه زده یوکسک برصدا ایله هیچ برشیدن خبری اولمادیغی

بیان ایلدی . آمریقالی در حال لوجهیه دعوت ایلدی . وقعه‌نک حکایه‌سندن ایشک بر طولاندیرمچی دولابی اولدیغی تبین ایتدی . پولیس ناظری موسیو قلود ایسه ذاتاً تیاروده حاضر اولمسندن ایمپراطور نابولیون مومی الیهی جلب ایله « سرفتک فاعلی یارین صباحه قدر میدانه چیقوب کوپه مادامه تسلیم ایدلمه‌لی ! » امرینی ویردی .

ایرتسی کون آمریقالی زوجه‌سیله اوکله طعاعی ایتدیکی صره‌ده محل اقامت‌لرینه پولیس نظارت‌سندن بر تذکره ورود ایدهرک مألنده ایسه مأمورین خفیه ایله قیومجیلره ارانه اولمق اوزره کوپه‌نک او بر تکی امانت پولیس نظارت‌نه ارسال ایتله‌ری رجا اولمسنندن تذکره‌ی کتیرمش اولان پولیس قومیسرینی نزدلرینه جلب ایله کوپه‌ی اعطا وشاید کوپه‌نک سرفت ایدیلان تکی بولنه‌میدجق اولور ایسه ایمپراطورمچه حضر تلرینک محجوبیتنی موجب اولماق اوزره بوتکک مسروق کوپه اولق اوزره کندیلرینه ارانه‌سیله بولندیغی افاده ایتله‌رینی توصیه ایلدی .

آرادن یارم ساعت کچمش ایدی . خدمتکارلر انده بر تذکره ایله بر پولیس قومیسری ده کلدیکنی وحضورلرینه چیقمق ایستدیکنی خبر ویردیلر . کلسون امری اوزرینه قومیسر ایچری کیره‌رک تذکره‌ی تقدیم ایتدی . آمریقالی تذکره‌ی آچوب اوقدقدن صکره « اوت ! یارم ساعت اول آلدیغم دیگر امرنامه‌ری اوزرینه رفیقکزه تسلیم ایلدم . هم ناظر افندی‌یه سویانیک اوقدر تلاشه دکر شیلردن دکلدیر . » قولیله قومیسری صاودی . قومیسر کیفیت موسیو قلوده افاده ایلدکده ناظرک عقلی باشندن کیده‌رک ایلله یازوب کندیسنه ویردیکی تذکره بشقه هیچ بر تذکره یازمیدیغی و بوده طولاندیر . یچیلرک بردام تزویرا خیری اولدیغی ادراک ایله بالذات آمریقالینسک نزدینه کیدوب ماجرای افاده و برنجی تذکره‌ی طلب ومعاینه ایلدکده

ساخته اولدیغی تبین ایتمکله تحریاته بر قاندها اعتنا ایلدی ایسه ده
سارقلری هیچ بروقت اله کچیرمکه موفق اولهمدی .
برهفته صکره موسیو قلوده اوزرنده بلجیقا پولی اولدیغی حالده
پوسته موزعی شو مکتوبی کتیرمشدر :
« ناظر افندی حضرتلری !

« مأمورین خفیه بی بهوده اتعاب ایتمکیز ! کوپه لر روسیه کبرای
نسواندن غایت کوزل بر مادامک، ثقلنه تحمل ایده میه جک درجه لرده
نازک اولان، قولاق لرنده معلق اولدیغی حالده شمعی شمال طرفلرینه
طوغری سیاحت ایتمکده درلر .

بنده کزه کلنجه : اون بشبیک لیرا قیتمنده اولان شوایکی
کوپه بی علی الجله اوچ بیک لیرا نقصانه ویردیکمدن طولانی پکده ممنون
اولمیدیغمی و فقط زمان نظارت کزده جبر نقصان ایلک امیدیه متسلی
بولندیغمی بیان ایلرم . (*)
مخلصکر
مون غون موری .

قارل فاولمانک

تاریخ فن طباعتی

اصحاب تحقیقدن موسیو [قارل فاولمان] نام ذات « تاریخ فن
طباعت » نامنده بر اثر مفید وجوده کتیرمشدر که بونده مخترع فن طبع
[ژان غوتنبرغ] دن زمانزه قدر عالم طباعتک کچیرمش اولدیغی کافه
ادوار ترقیاتی مفصلاً تعریف و ایضاح ایدلمش و هر عصرک باصمه جه
اولان درجه ترقیاتی ینه اوعصره مخصوص اولان حروف والواح
ایله اراشه اولنمشدر .

(*) موسیو قلوده بوکا یقین پک چوق وقایع سرقنی خاطره لرینه درج ایلش
اولدیغی حالده بالاده کی فقره بی نعلسه قید ایتماش و احتمال که بوده فرط حجابندن
ایلری ککشددر .